

FRAMKVÆMDARÁKVÖRÐUN FRAMKVÆMDASTJÓRNARINNAR**2016/EES/52/04****frá 19. júlí 2011**

um viðurkenningu á áætluninni Roundtable of Sustainable Biofuels EU RED til að sýna fram á að viðmiðunum um sjálfbærni samkvæmt tilskipunum Evrópuþingsins og ráðsins 2009/28/EB og 2009/30/EB hafi verið fylgt

(2011/435/ESB) (*)

FRAMKVÆMDASTJORN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2009/28/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB (¹), einkum 6. mgr. 18. gr.,

með hliðsjón af tilskipun Evrópuþingsins og ráðsins 98/70/EB frá 13. október 1998 um gæði bensíns og dísileldsneytis (²), eins og henni var breytt með tilskipun 2009/30/EB (³), einkum 6. mgr. 7. gr. c,

að höfðu samráði við ráðgjafarnefndina sem komið var á fót með 2. mgr. 25. gr. tilskipunar 2009/28/EB,

og að teknu tilliti til eftirsarandi:

- 1) Mælt er fyrir um viðmiðanir um sjálfbærni fyrir lífeldsneyti bæði í tilskipun 2009/28/EB og 2009/30/EB. Þegar vísað er til ákvæða 17. og 18. gr. í tilskipun 2009/28/EB og V. viðauka við hana ber einnig að líta á það sem tilvísanir til svipaðra ákvæða í 7. gr. a, 7. gr. b og 7. gr. c í tilskipun 2009/30/EB og í IV. viðauka við hana.
- 2) Þegar telja skal lífeldsneyti og fljótandi lífeldsneyti með, að því er a-, b- og c-lið 1. mgr. 17. gr. varðar, skulu aðildarríkin krefjast þess að rekstraraðilar sýni að viðmiðanirnar um sjálfbærni fyrir lífeldsneyti og fljótandi lífeldsneyti, sem settar eru fram í 2.–5. mgr. 17. gr. tilskipunar 2009/28/EB, hafi verið uppfylltar.
- 3) Í 76. forsendu tilskipunar 2009/28/EB segir að koma skuli í veg fyrir að ósanngjörn byrði sé lögð á iðnaðinn

(*) Þessi ESB-gerð birtist í Stjórd. ESB L 190, 21.7.2011, bls. 73. Hennar var getið í ákvörðun sameiginlegu EES-nefndarinnar nr. 26/2016 frá 5. febrúar 2016 um breytingu á II. viðauka (Tæknilagar reglugerðir, staðlar, prófanir og vottun) og IV. viðauka (Orka) við EES-samningin, biður birtingar.

(¹) Stjórd. ESB L 140, 5.6.2009, bls. 16.

(²) Stjórd. ESB L 350, 28.12.1998, bls. 58.

(³) Stjórd. ESB L 140, 5.6.2009, bls. 88.

og að valfrjálsar áætlanir geti stuðlað að framsetningu skilvirkra lausna til að sýna fram á að þessar viðmiðanir um sjálfbærni séu uppfylltar.

- 4) Framkvæmdastjórnin getur ákveðið að valfrjáls landsbundin eða alþjóðleg áætlun skuli sýna að lífeldsneytissendingar uppfylli viðmiðanir um sjálfbærni, sem eru settar fram í 3.–5. mgr. 17. gr. tilskipunar 2009/28/EB, eða að valfrjáls landsbundin eða alþjóðleg áætlun um mælingar á minnkun losunar gróðurhúsalofttegunda innihaldi nákvæm gögn að því er 2. mgr. 17. gr. þessarar tilskipunar varðar.
- 5) Framkvæmdastjórnin getur viðurkennt slíka valfrjálsa áætlun til fimm ára.
- 6) Þegar rekstraraðili leggur fram sannanir eða gögn, sem aflað er í samræmi við áætlun sem framkvæmdastjórnin hefur viðurkennt, að því marki sem þau falla undir þá ákvörðun um viðurkenningu, skal aðildarríki ekki krefjast þess að birgir leggi fram frekari gögn sem sýna fram á að viðmiðanirnar um sjálfbærni hafi verið uppfylltar.
- 7) Áætlunin um „Roundtable of Sustainable Biofuels EU RED“ (hér á eftir nefnd RSB EU RED-áætlunin) var lögð fram til framkvæmdastjórnarinnar 10. maí 2011 ásamt beiðni um viðurkenningu. Umfang áætlunarinnar er hnattrænt og hún getur náð yfir breitt svið mismunandi lífeldsneytis. Viðurkennda áætlunin verður gerð aðgengileg á gagnsæisvettvangnum sem var komið á fót samkvæmt tilskipun 2009/28/EB. Framkvæmdastjórnin tekur tillit til þátta sem eru viðkvæmir í viðskiptalegu tilliti og getur ákveðið að birta einungis hluta áætlunarinnar.
- 8) Mat á RSB EU RED-áætluninni sýndi að hún tekur með fullnægjandi hætti tillit til viðmiðana um sjálfbærni í tilskipun 2009/28/EB, auk þess sem beitt er massajöfnuðaraðferð í samræmi við kröfur í 1. mgr. 18. gr. tilskipunar 2009/28/EB.
- 9) Í matinu á RSB EU RED-áætluninni kom fram að hún uppfyllir með fullnægjandi hætti kröfur um áreiðanleika, gagnsæi og óháða endurskoðun og uppfyllir einnig aðferðafræðilegar kröfur í V. viðauka við tilskipun 2009/28/EB.

- 10) Aðrir viðbótarþættir um sjálfbærni sem RSB EU RED-áætlunin nær til eru ekki hluti af umfjöllunarefnin þessarar ákvörðunar. Þessar viðbótarviðmiðanir um sjálfbærni eru ekki skyldubundnar til að sýna fram á að farið sé að kröfum um sjálfbærni sem settar eru í tilskipun 2009/28/EB. Á síðara stigi getur framkvæmdastjórnin tekið afstöðu til þess hvort áætlunin inniheldur nákvæm gögn, sem varða upplýsingar um ráðstafanir, sem gerðar eru vegna málefna, sem um getur í annarri undirgrein, öðrum málslíð 4. mgr. 18. gr. í tilskipun 2009/28/EB.

SAMPÝKKT ÁKVÖRÐUN PESEA:

1. gr:

Valfrjálsa áætlunin „Roundtable of Sustainable Biofuels EU RED“, en beiðni um viðurkenningu hennar var lögð fyrir framkvæmdastjórnina 10. maí 2011, sýnir að lífeldsneytissendingar uppfylla viðmiðanir um sjálfbærni eins og mælt er fyrir um í a-, b- og c-lið 3. mgr. og 4. og 5. mgr. 17. gr. tilskipunar 2009/28/EB og a-, b- og c-lið 3. mgr. og 4. og 5. mgr. 7. gr. b í tilskipun 98/70/EB. Áætlunin inniheldur einnig nákvæm gögn að því er varðar 2. mgr. 17. gr. tilskipunar 2009/28/EB og 2. mgr. 7. gr. b í tilskipun 98/70/EB.

Enn fremur má nota hana til að sýna fram á að ákvæði 1. mgr. 18. gr. tilskipunar 2009/28/EB og 1. mgr. 7. gr. c í tilskipun 98/70/EB hafi verið uppfyllt.

2. gr:

1. Ákvörðunin gildir í fimm ár eftir að hún öðlast gildi. Ef gerðar eru breytingar á efni áætlunarinnar, eftir samþykkt með ákvörðun framkvæmdastjórnarinnar, sem kunna að hafa áhrif á grundvöll þessarar ákvörðunar, skal tilkynna framkvæmdastjórninni um breytingarnar án tafar. Framkvæmdastjórnin leggur mat á tilkynntar breytingar með það fyrir augum að ákvarða hvort áætlunin taki enn með fullnægjandi hætti til viðmiðana um sjálfbærni sem liggja að baki viðurkenningu hennar.

2. Ef sýnt hefur verið fram á það með skýrum hætti að áætlunin hafi ekki komið til framkvæmda þáttum sem hafa afgerandi þýðingu fyrir þessa ákvörðun og ef alvarlegt rof hefur orðið í uppbryggingu þessara þáttu áskilur framkvæmdastjórnin sér þann rétt að afturkalla ákvörðunina.

3. gr:

Ákvörðun þessi öðlast gildi 20 dögum eftir að hún birtist í *Stjórnartíðindum Evrópusambandsins*.

Gjört í Brussel 19. júlí 2011.

Fyrir hönd framkvæmdastjórnarinnar;

José Manuel BARROSO

forseti.